

○此一經起於頭維。終於厲兌。取厲兌內庭陷谷衝陽解
谿三里與井榮俞原經合也。脉起於鼻交額中旁。約太陽
之脉。下循鼻外。上入齒中。還出俠口。環唇下。交承漿。卻循
頤後下廉。出大迎。循頰車上耳前。過客主人。循髮際至額
顙。其支別者。從大迎前下人迎。循喉嚨入缺盆。下膈屬胃
絡脾。其直行者。從缺盆下乳內廉。俠臍入氣衝中。其支者
起胃下口。循腹裏下至氣衝而合。以下髀關。抵伏兔下入
膝臑中。下循胫外廉。下足跗入中指外間。其支者。下膝三
寸而別。以下入中指外間。其支者。別跗上入大指間。出其
端以交於太陰也。多血多氣。巳時氣血注此。戊土之腑脉

右關部胃氣平調五臟安堵實則脉實唇口乾而腋下腫
疼宜瀉胃土虛則脉虛腹痛鳴而面目虛浮藥行溫補驗
實熱兮必口內壅乾瀉黃散而得效審虛寒兮須骨節皆
痛人參散而最奇橘皮竹茹湯治熱渴而頻頻嘔噦烏藥
沉香散療寒痛而日日攢眉人參治翻胃之良豆蔻消積
氣之冷粥藥不停藿葉人參橘皮心脾刺痛砂仁香附烏
泥胃冷生痰半夏薑煎生附子中寒停水麴丸蒼朮久陳
皮芫花消癥瘕九其硃砂黃芪治消渴煎同甘草硫汞結
成砂子吐逆立痊參朮煎用棗薑酸咽卽可霍亂轉筋肢
逆冷木瓜鹽炒吳茱萸更食癢酒癖脇胸疼蓬朮芫稜同隔

養胃虛咳逆人參甘草倍陳皮胃實痰喘藿葉丁皮增半
夏補虛降火竹茹甘草橘紅皮或加枳朮扶弱驅寒橘皮
良薑丁半夏參草薑苓抑聞上部有脉下部無脉者爲食
寒點塩湯探吐寬舒倘或三部俱急人迎帶數者號內壅
服靈丸瀉利便宜調脾助胃之藥最難熱則消於肌肉瀆
用中和飲子變通加減之法不易寒則減於飲食要施仁
義丹頭如心不在焉食而不知其味正心爲劑口不謹兮
飲而不中其節緘口良方湏知病後能服藥孰若病前能
自防。

額音遏

脗音杭

考正穴法

維○額角入髮際本神旁一寸五分神庭旁四寸五分
足陽明少陽二脉之會銅人針三分素註針五分禁灸
主頭痛如破目痛如脫目瞶目風淚出偏風視物不明
下關○客主人下耳前動脉下廉合口有空開口則閉側
卧閉口取之足陽明少陽之會素註針三分留七呼灸
三壯銅人針四分得氣卽瀉禁灸主聾耳有膿汁出偏
風口目喎牙車脫臼牙齦腫處張口以三稜針出膿血
多含鹽湯卽不畏風

頰車

一名機閑
一名曲牙

○耳下八分曲頰端近前陷中側卧開口

有空取之銅人針四分得氣卽瀉日灸七壯止七七壯

炷如麥大。明堂灸三壯。素註針三分。主中風牙關不開。口噤不語。失音。牙車疼痛。頷頰腫。牙不可嚼物。頸強不得回顧。口眼喎。

承泣○月下七分。直瞳子陷中。足陽明。陽蹻脉。任脉之會。銅人灸三壯。禁針。針之令人目烏色。明堂針四分半。不宜灸。灸後令人目下大如拳。息肉日加如桃。至三十日定不見物。資生云。當不灸不針。○東垣曰。魏邦彥夫人目翳綠色。從下侵上者。自陽明來也。○主目冷淚出。上觀瞳子痒。遠視眵眵。昏夜無見。目瞤動與頂口相引。口眼喎斜。口不能言。面葉葉牽動。眼赤痛耳鳴耳聾。瞤音純

四白○目下一寸。直瞳子。令病人正視。取之。素註針四分。
甲乙銅人針三分。灸七壯。凡用針。穩當方可下針。刺太
深。令人目烏色。主頭痛。目眩。目赤痛。僻淚不明。目痒。目
膚翳。口眼喎僻。不能言。

巨膠○俠鼻孔旁八分。直瞳子。平水溝。手足陽明。陽蹻脉
之會。銅人針三分。得氣卽瀉。灸七壯。明堂灸七七壯。主
瘖瘡。唇頰腫痛。口喎僻。目障無見。青盲無見。遠視眇眇。
淫膚白膜。翳覆瞳子。面風鼻頰腫。癰痛。招搖視瞻。脚氣
膝腫

瘖音記

頰音拙

地倉○俠口吻旁四寸外。如近下有脉微動。手足陽明。陽

蹻脉之會。銅人針三分。明堂針三分半。留五呼。得氣卽
瀉。口可灸二七壯。重者七七壯。炷如粗釵股。脚大艾在
右大口轉喎。却灸承漿七七壯。卽愈。主偏風口喎。日炷
得閉。脚腫失音。不語。飲水不收。水漿漏落。眼瞶動不止。
暗子痒。遠視。眦眦昏夜無見。病左治右。右治左。宜頻
針灸。以取盡風氣。口眼喎斜者。以正爲度。

大迎○曲頷前一寸二分。骨陷中。動脉。又以口下當兩眉
是穴。素註針三分。留七呼。灸三壯。主風痺。口噤不開。唇
吻瞶動。頰腫牙疼。寒熱頸痛。瘰癧口喎。齒齲痛。數欠氣。
惡寒舌強。不能言。風痺面浮腫。目痛不得閉。

人迎一名五合

○頸大脉動應手。俠結喉兩旁一寸五分。仰而

取之。以候五臟氣。足陽明少陽之魯滑氏曰。古以俠喉

兩旁爲氣口。人迎至晉王叔和直以左右手寸口爲人

迎氣口。銅人禁針。明堂針四分。素註刺過深殺人。主吐

逆霍亂胸中滿。喘呼不得息。咽喉癰腫瘰癧。

水突一名水門

○頸大筋前直人迎下。氣舍上。銅人針三分。灸

三壯。主欬逆上氣。咽喉癰腫。呼吸短氣。喘息不得臥。

氣舍○頸直人迎下。俠天突陷中。銅人灸三壯。針三分。主

欬逆上氣。頸項強不得回顧。喉痺。哽噎。咽腫。不消。癰痛。

缺盆一名天謚

○肩下橫骨陷中。銅人灸三壯。針三分。素註針

三分留七呼不宜太深深則使人逆息素問刺欬中內
陷氣泄令人喘欬主息奔胸滿喘急水腫癰癰喉痺汗
出寒熱欬盆中腫外癰則生胸中熱滿傷寒胸熱不
氣戶○巨骨下俞府兩旁各二寸陷中去中行各四寸仰
而取之銅人針三分灸五壯主欬逆上氣胸背痛欬不
得息不知味胸脇支滿喘急

庫房○氣戶下一寸六分陷中去中各四寸銅人灸五壯
針三分主胸脇滿欬逆上氣呼吸不至息唾膿血濁沫
屋翳○庫房下一寸六分陷中去中各四寸仰而取之素
註針四分銅人灸五壯針三分主欬逆上氣唾血多濁

法膿血痰飲身體腫皮膚痛不可近衣淫灤瘕瘰不仁

膺窓○屋翳下一寸六分陷中去中各四寸銅人針四分

灸五壯主胸滿短氣唇腫腸鳴注泄乳癰寒熱卧不安

乳中○當乳中是銅人微刺三分禁灸灸則生皰瘡瘡中

有膿血清汁可治瘡中有息肉若皰瘡者死素問云刺

乳上中乳房爲腫根皰丹溪曰乳房陽明胃所經乳頭

厥陰肝所屬乳子之母不知調養忿怒所逆鬱悶所遏

厚味所釀以致厥陰之氣不行竅不得通汗不得出陽

明之血沸騰熱甚化膿亦有所乳之子膈有滯痰口氣

厥熱含乳而睡熱氣所吹遂生結核初起時便瀕忍痛

搽令稍軟。吮令汁透。自可消散。失此不治。必成癰癤。若
加以艾火兩三壯。其效尤捷。粗工使用針刀。卒惹拙症。
若不得夫與舅姑。憂怒鬱門。脾氣消沮。肝氣橫逆。遂成
結核如棊子。不痛不癢。十數年後。爲瘡陷。名曰奶岩。以
瘡形如嵌凹。似岩穴也。不可治矣。若於始生之際。能消
息病根。使心清神安。然後醫治。庶有可安之理。

乳根○乳中下一寸六分陷中。去中各四寸。仰而取之。銅
人灸五壯。針三分。素註針四分。灸三壯。主胸下滿悶。胸
痛。鬲氣不下。食噎。病臂痛腫。乳痛。乳癰。悽慘寒痛。不可
按抑。欬逆。霍亂。轉筋。四厥。

不谷○幽門旁相去各一寸五分。去中行各三寸。銅人灸五壯。明堂灸三壯。針五分。素註針八分。主腹滿。疰癰。吐血。肩脇痛。口乾。心痛。胸背相引痛。喘欬。不嗜食。腹虛鳴。嘔吐。痰癰。疰癰。

承滿○不谷下一寸。去中行各三寸。銅人針三分。灸五壯。明堂三壯。主腸鳴。腹脹。上氣喘逆。食飲不下。肩息。唾血。梁門○承滿下一寸。去中行各三寸。銅人針三分。灸五壯。主脇下積氣。食飲不思。大腸滑泄。完穀不化。

關門○梁門下一寸。去中行各三寸。銅人針八分。灸五壯。主善滿。積氣。腸鳴。卒痢泄利。不欲食。腹中氣走。俠臍急。

痛身腫痰瀉振寒遺溺

太乙○關門下一寸。去中行各三寸。銅人灸五壯。針八分。
主癲疾狂走心煩吐舌。

滑肉門○太乙下一寸。去中行各三寸。銅人灸五壯。針八分。
主癲狂嘔逆吐舌舌強。

天樞一名長谿一名穀門○去盲俞一寸。俠臍中兩旁各二寸。陷中。

乃大腸之募。銅人灸百壯。針五分。留十呼。千金云。魂魄之舍不可針。素註針五分。留一呼。主奔豚泄瀉脹痼赤白痢。水痢不止。食不下。水腫脹。腹腸鳴。上氣冲胸。不能久立。久積冷氣。繞臍切痛。時上冲心。煩滿嘔吐。霍亂冬。

月感寒。泄利。瘧寒熱。狂言。傷寒飲水過多。腹脹氣喘。婦人女子癥瘕。血結成塊。漏下赤白。月事不時。

外陵○天樞下一寸。去中行各二寸。銅人灸五壯。針三分。主腹痛。心下如懸。下引臍痛。

大巨○外陵下一寸。去中行各二寸。銅人針五分。灸五壯。素註針八分。主小腹脹滿。煩渴。小便難。癰疽偏枯。四肢不收。驚悸不眠。

水道○大巨下三寸。去中行各二寸。銅人灸五壯。針三分。半素註針二分半。主腰背強急。膀胱有寒。三焦結熱。婦人小腹脹滿。痛引陰中。龜年癥。子門寒。大小便不通。

歸來○水道下二寸。去中行各二寸。銅人灸五壯。針五分。
素計針八分。主小腹奔豚。卵上入腹。引莖中痛。七疝。婦
人血臟積冷。

氣衝一名氣衝

○歸來下一寸。去中行各二寸。動脉應手宛宛

中。衝脉所起。銅人灸七壯。炷如大麥。禁針。素問刺中脉
血不出。爲腫鼠僕。明堂針三分。留七呼。氣至卽瀉。灸三
壯。主腹滿不得正臥。癰疽。大腸中熱。身熱腹痛。大氣石
水。陰痿莖痛。兩丸塞痛。小腹奔豚。腹有逆氣。上攻心。腹
脹滿。上搶心痛。不得息。腰痛。不得俛仰。淫瀝。傷寒胃中
熱。婦人無子。小腸痛。月水不利。妊娠子上衝心。生難胞。

衣不出東垣曰脾胃虛弱感濕成痿汗大泄妨食三里
氣街以三稜針出血又曰吐血多不愈以三稜針於氣
街出血立愈

髀關○伏兔後交文中銅人針六分灸三壯主腰痛足麻
木膝寒不仁痿痺股內筋絡急不屈伸小腹引疾痛一

伏兔○膝上六寸起肉正跪坐而取之以左右各三指按
捺上有肉起如兔之狀因以此名此事難知定癰疽死
地分有九伏兔居一劉宗厚曰脉絡所會也主膝冷不
得溫風勞痺逆狂邪手攣身癱瘳腹脹少氣頭重腳
氣婦人八部諸疾銅人針五分禁灸

陰市一名陰鼎

○膝上三寸。伏兔下陷中。拜而取之。銅人針三

分。禁灸。主腰脚如冷水。膝寒。痿痺不仁。不屈伸。卒寒痲

力痿少氣。小腹痛。脹滿。脚氣。脚以下。伏兔上寒。消渴。

梁丘○膝上二寸。兩筋間。銅人灸三壯。針三分。明堂針五

分。主膝脚腰痛。冷痺不仁。跪難屈伸。足寒。大驚。乳腫痛

積鼻○膝臑下。胫骨上。俠解大筋陷中。形如牛鼻。故名。素

註針六分。銅人針三分。灸三壯。素問刺積鼻出液爲跛

主膝中痛。不仁。難跪起。脚氣。膝臑腫潰者。不可治。不潰

者可治。若積鼻堅硬。勿便攻。先洗熨。微刺之。愈。

肝音

三里○膝下三寸。胫骨外廉。大筋內宛宛中。兩筋肉分間